

U skladu sa članom VII Odluke o metodologiji izrade i donošenja Programa rada i Izvještaja o radu Vlade Kantona Sarajevo i kantonalnih organa i organizacija („Službene novine Kantona Sarajevo”, br. 29/12, 11/17 i 8/18), ministrica pravde i uprave podnosi

I Z V J E Š T A J

o radu Ministarstva pravde i uprave za period 01.01.2018. – 31.12.2018. godine

I UVODNI DIO

Aktivnosti, rad i nadležnosti Ministarstva pravde i uprave utvrđeni su Zakonom o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“, br. 2/12 – Prečišćeni tekst, 41/12, 18/15 i 13/17), Pravilnikom o unutrašnjoj organizaciji Ministarstva pravde i uprave, Programom rada Skupštine Kantona Sarajevo za 2018. godinu, Programom rada Vlade Kantona Sarajevo za 2018. godinu i Programom rada Ministarstva pravde i uprave za 2018. godinu. Rad Ministarstva se odvijao u skladu sa zaključcima Vlade Kantona Sarajevo. Program rada je realizovan prema zadatim rokovima i dinamici realizacije. Ministarstvo je ostvarilo različite aktivnosti koje nisu planirane programom rada.

Navedene poslove i zadatke Ministarstvo je realizovalo putem:

1. Sektora za pravosuđe i izvršenje sankcija i mjera,
2. Sektora za upravu,
3. Upravnog inspektorata,
4. Sektora za pravne i ekonomske poslove i
5. Izvanorganizacione jedinice.

II NORMATIVNI DIO

Iz nadležnosti Skupštine Kantona Sarajevo

Programirani – izvršeni:

1. Zakon o plaćama i naknadama u organima vlasti Kantona Sarajevo – usvojen na 3. Radnoj sjednici Skupštine Kantona Sarajevo održanoj 23.01.2019. godine;
2. Zakon o izmjenama i dopunama Zakona o upotrebi grba i zastave Kantona Sarajevo, broj 15/18;
3. Zakon o izmjenama Zakona o radno-pravnom statusu članova Vlade Kantona Sarajevo, broj 28/18.

Nepogramirani – izvršeni:

1. Zakon o izmjenama i dopunama Zakona o pečatu Kantona Sarajevo, broj 15/18;

Programirani – neizvršeni:

1. Zakon o lokalnoj samoupravi – izrada ovog propisa prenesena je u 2019. godinu;
2. Zakon o imovini Kantona Sarajevo – donošenje ovog propisa je u vezi sa izradom Zakona lokalnoj samoupravi, pa je izrada ovog propisa prenesena u 2019. godinu;

3. Zakon o izmjenama Zakona o radno-pravnom statusu poslanika u Skupštini Kantona Sarajevo - izrada ovog propisa prenesena je u 2019. godinu;
4. Zakon o izmjenama i dopunama Zakona o zaštiti pripadnika nacionalnih manjina u Kantonu Sarajevo – predlagatelj odustao od inicijative za izmjenu propisa.

Iz nadležnosti Vlade Kantona Sarajevo

Izvršeno – programirano

1. Uredba o izmjenama i dopunama Uredbe o uslovima, načinu i programu polaganja ispita općeg znanja i stručnog ispita za kandidate za državnu službu u Kantonu Sarajevo, broj 7/18;
2. Uredba o sadržaju, izgledu i načinu korištenja memoranduma Kantona Sarajevo, broj 29/18;
3. Odluka o dopuni Odluke o metodologiji izrade i donošenja Programa rada i Izvještaja o radu Vlade Kantona Sarajevo i kantonalnih organa i organizacija, broj 8/18.

Izvršeno – neprogramirano

1. Uredba o izmjenama Uredbe o naknadama koje nemaju karakter plaće, broj 21/18;

Neizvršeno – programirano

1. Uredba o naknadama koje nemaju karakter plaće, – izrada ovog propisa prenesena je u 2019. godinu;
2. Uredba o naknadama za službena putovanja – izrada ovog propisa prenesena je u 2019. godinu.

III

TEMATSKI DIO

Programirani poslovi

1. Izvještaj o radu Ministarstva za 2017. godinu razmatran u okviru izvještaja o radu Vlade Kantona Sarajevo za 2017. godinu (prihvaćen na 116. Sjednici Vlade Kantona od 07.03.2018. godine, a Skupština usvojila Izvještaj Vlade Kantona na sjednici od 10.04.2018. godine)
2. Program rada Ministarstva za 2018. godinu, utvrđen u okviru Programa rada Vlade i Skupštine Kantona;
3. Izvještaj o radu JP "Televizija Kantona Sarajevo" d.o.o. Sarajevo za 2017. godinu, Vlada Kantona prihvatila Izvještaj na sjednici od 10.01.2019. godine (treći put), a Izvještaj nije prihvaćen od strane Skupštine Kantona na trećoj sjednici održane 23.01.2019. godine;
4. Izvještaj o radu Kantonalnog tužilaštva Kantona Sarajevo, Vlada prihvatila na 126. sjednici od 17.05.2015. godine, a Skupština Kantona razmatrala i nije usvojila Izvještaj na sjednici od 26.06.2018. godine;
5. Izvještaj o radu Pravobranilaštva Kantona Sarajevo, Vlada Kantona prihvatila (treći put) Izvještaj na sjednici od 10.01.2019. godine, a Izvještaj je prihvaćen od strane Skupštine Kantona na trećoj sjednici održane 23.01.2019. godine;
6. Informacija o radu Općinskog suda u Sarajevu i Kantonalnog suda u Sarajevu za 2017. godinu, Vlada primila na znanje na 114. sjednici od 21.02.2018. godine, a Skupštini dostavljeno informativno na sjednici od 05.03.2018. godine;
7. Izvještaj o izvršenju sankcija u Kantonu Sarajevo, Vlada Kantona prihvatila (treći put) Izvještaj na sjednici od 10.01.2019. godine i Izvještaj je prihvaćen od strane Skupštine Kantona na sjednici održane 23.01.2019. godine;
8. Izvještaj Ministarstva pravde i uprave Kantona Sarajevo o provođenju Zakona o državnoj službi u Federaciji Bosne i Hercegovine u organima uprave i službama Kantona Sarajevo, dostavljen u januaru 2019. godine Vladi Kantona Sarajevo;

9. Izvještaj Upravnog inspektorata o izvršenim inspekcijskim pregledima u toku 2017. godine, Vlada je usvojila Izvještaj na 126. Sjednici od 17.05.2018, a Skupština razmatrala – informativno 06.09.2018. godine.

IV

KAPITALNI PROJEKTI

U izvještajnom periodu nije bilo planiranih kapitalnih projekata u ovom Ministarstvu.

V

OCJENA STANJA I POSTIGNUTIH REZULTATA

Ministarstvo pravde i uprave prati sve programirane i neprogramirane aktivnosti koje se odnose na sistem pravosuđa kao i stanja u pravosuđu, obezbjeđenje sredstava za finansiranje rada sistema pravosuđa, funkcionisanja notarijata na području Kantona Sarajevo, normativne regulative i dalju racionalizaciju kantonalne uprave.

Kontinuirano se vrše poslovi koji se odnose na: davanja mišljenja na pravilnike o unutrašnjoj organizaciji koje donose rukovodioci kantonalnih organa uprave i upravnih organizacija, te poslovi koji se odnose na izvršenje sankcija i mjera iz nadležnosti Ministarstva.

IMPLEMENTACIJA I UNAPRIJEĐENJE SISTEMA UPRAVLJANJA KVALITETOM

Implementacija, preispitivanje i unapređenje Sistema upravljanja kvalitetom u skladu sa Standardom ISO 9001, kontinuirana je aktivnost, u skladu sa djelokrugom rada Ministarstva.

SUQ je preispitan od strane najvišeg rukovodstva Ministarstva te je konstatovano da se isti primjenjuje i unapređuje. Ciljevi kvaliteta uspostavljeni za 2018. godinu su ostvareni u procentu od 85%.

Preispitivanje se vrši naročito u segmentu primjene i unapređenja postojećih identificiranih posebnih procesa Ministarstva sadržanih u Katalogu procesa Ministarstva, koji su revidirani sa zahtjevima novog standarda. Opis konkretnih aktivnosti dat je u tački VII Kontinuirani poslovi ovog izvještaja, kao i u tematskom dijelu, te se može konstatovati da prema utvrđenom indikatoru i datim performansama ovih procesa, u pogledu ciljane veličine nije bilo odstupanja.

VI

PROGRAMSKA ORIJENTACIJA

Aktivnosti Ministarstva biti će usmjerene na normativno usklađivanje propisa sa ostalim propisima viših nivoa vlasti, a u smislu cjelishodnog i adekvatnog uređenja odnosa u oblasti pravosuđa, pravobranilaštva, uprave, lokalne samouprave, poslovi upravne inspekcije i poslove davanja mišljenja o usklađenosti zakona i drugih propisa koje donosi Skupština Kantona, Vlada Kantona i rukovodioci kantonalnih organa uprave sa Evropskom konvencijom o zaštiti ljudskih prava i osnovnih sloboda i drugim instrumentima za zaštitu ljudskih prava, koji imaju pravnu snagu ustavnih odredaba, kao i druge upravne poslove koji ne spadaju u djelokrug organa uprave Kantona. Ministarstvo pravde i uprave će, u narednom periodu kao nastavak aktivnosti, podržati korake ka konsolidaciji pravosudnog sistema nakon provedene reforme pravosudnog sistema.

VII KONTINUIRANI POSLOVI

1. Praćenje obavljanja poslova pravosudne uprave
 - PRAVNI OSNOV: član 61. Zakona o sudovima u Federaciji Bosne i Hercegovine („Službene novine Federacije BiH“, br. 38/05, 22/06, 63/10, 72/10, 7/13 i 52/14).
 - NOSILAC IZRADE: Sektor za pravosuđe i izvršenje sankcija i mjera.
 - SADRŽAJ: Ispitivanje osnovanosti pritužbi na rad suda u odnosu na rad sudske uprave, dužinu trajanja postupka i odnosa sa strankama, neposredno ili preko predsjednika suda. U ovom izvještajnom periodu obrađene su četiri predstavke građana koje se odnose na odluke Općinskog suda u Sarajevu i Kantonalnog suda u Sarajevu i dvije predstavke radi ubrzanja sudskog postupka.

2. Provođenje konkursa za izbor notara za područje Kantona Sarajevo
 - PRAVNI OSNOV: član 28. Zakona o notarima („Službene novine Federacije BiH“, broj 45/02).
 - NOSILAC IZRADE: Sektor za pravosuđe i izvršenje sankcija i mjera.
 - SADRŽAJ: U ovom izvještajnom periodu provedene su zakonske procedure za izbor i početak rada jednog notara sa službenim sjedištem na području Općine Novo Sarajevo, izbor tri notarska pomoćnika, u notarskim uredima na području općine Novi Grad, Novo Sarajevo i Hadžići. U skladu sa Zakonom o notarima, kontinuirano i po potrebi se obavljaju i drugi poslovi iz nadležnosti Ministarstva (doneseno je 16 rješenja o postavljanju zamjenika notara za 2018. godinu, izvršeno je komisijsko utvrđivanje propisanih uvjeta za rad u dva notarska ureda, a za dva notarska ureda je komisijski utvrđena ispunjenost uslova prostora za izmještanje dijela arhive, te se kontinuirano odvijala saradnja sa Notarskom komorom Federacije BiH, po svim pitanjima iz nadležnosti Ministarstva).

3. Nadzor nad radom notara za područje Kantona Sarajevo
 - PRAVNI OSNOV: član 130. Zakona o notarima
 - NOSILAC IZRADE: Sektor za pravosuđe i izvršenje sankcija i mjera.
 - SADRŽAJ: Odredbama člana 130. Zakona o notarima utvrđeno je da nadzor nad radom notara vrši kantonalno i Federalno ministarstvo pravde, a u skladu sa članom 69. Pravilnika o radu notara, koji je donio Federalni ministar pravde, predviđeno je da se isto provodi putem komisija koje, takođe, imenuje Federalni ministar pravde iz reda pravnih stručnjaka predstavnika ovih ministarstava i Notarske komore FBiH. Imenovana Komisija je u ovom izvještajnom periodu izvršila nadzor nad radom jednog notara na području Kantona Sarajevo (u Komisiju su delegirana dva člana ispred Ministarstva pravde i uprave Kantona Sarajevo).

Također, vid vršenja nadzora nad radom notara je i obrada predstavki na rad notara od strane građana, kao i zahtjeva za pokretanje disciplinskog postupka. U ovom izvještajnom periodu podneseno je i obrađeno pet pritužbi na rad notara, a nije pokrenut ni jedan disciplinski postupak protiv notara, s obzirom da se prema ocjeni Ministarstva u razmatranim slučajevima za to nisu stekli zakonski uslovi (nije konstatovana povreda službene dužnosti).

4. Izvršavanje sudskih odluka o zamjeni kazne zatvora radom za opće dobro na slobodi
 - PRAVNI OSNOV: član 44. Stav 7. Krivičnog zakona u Federaciji BiH („Službene novine Federacije BiH“, br. 36/03, 37/03, 21/04, 69/04, 18/05 i 42/10).

- NOSILAC POSLA: Sektor za pravosuđe i izvršenje sankcija i mjera.
 - SADRŽAJ: U 2018. godini shodno donesenom Pravilniku o izvršavanju rada za opće dobro na slobodi, vršena je implementacija ove alternativne sankcije na području Kantona Sarajevo, prema utvrđenoj listi poslodavaca odn. organizacija kod kojih se obavlja rad za opće dobro na osnovu potpisanih ugovora sa: KJKP “GRAS”, KJKP “PARK”, KJKP “RAD” i KJKP "Pokop" i Terapijska zajednica Kampus Kantona Sarajevo kod kojih je obezbijeđeno 50 mjesta za izvršenje sankcije na godišnjem nivou. U ovom izvještajnom periodu, u postupku je bilo 35 presuda u odnosu na 36 lica upućenih od strane Općinskog suda u Sarajevu, na osnovu pravomoćnih presuda, od čega su izvršene izrečene sankcije za 11 presuda, u toku izvršavanja je 16 izrečenih sankcija za 17 lica, 4 osobe su vraćene sudu na izvršavanje već izrečene zatvorske kazne zbog nemogućnosti izvršenja rada za opće dobro (zanemarivanje od strane osuđene osobe), 2 osobe su djelimično izvršile sankciju i 2 osobe su na provjeri kod nadležnog suda.
5. Razmatranje i davanje saglasnosti na Pravilnik o unutrašnjoj organizaciji Pravobranilaštva Kantona Sarajevo
- PRAVNI OSNOV: član 36. Zakona o pravobranilaštvu („Službene novine Kantona Sarajevo“, broj 33/08 – Novi prečišćeni tekst, 7/12 i 44/16);
 - NOSILAC POSLA: Sektor za pravosuđe i izvršenje sankcija i mjera.
 - SADRŽAJ: U ovom izvještajnom periodu nije podnesen zahtjev Pravobranilaštva Kantona Sarajevo, za davanje saglasnosti na Pravilnik o unutrašnjoj organizaciji Pravobranilaštva Kantona Sarajevo. Ministarstvo je postupalo na zahtjev Pravobranilaštva, za davanje saglasnosti za angažovanje izvršilaca na određeno vrijeme, najduže do godinu dana, shodno zaključku Vlade Kantona kojim je produžen moratorij na zapošljavanje i po jednom prijedlogu za izuzeće pravobranioaca.
6. Obezbjeđenje uslova za efikasnu primjenu vaspitne preporuke i posebne obaveze-uključivanje u rad bez nadoknade, u humanitarne organizacije ili poslove socijalnog, lokalnog ili ekološkog sadržaja
- PRAVNI OSNOV: Čl. 26. i 35. Zakona o zaštiti i postupanju sa djecom i maloljetnicima u krivičnom postupku ("Službene novine Federacije BiH", broj 7/14) i član 15. Pravilnika o primjeni odgojnih mjera, posebnih obaveza prema maloljetnim počiniocima krivičnih djela ("Službene novine Federacije BiH", broj 10/15)
 - NOSILAC POSLA: Sektor za pravosuđe i izvršenje sankcija i mjera.
 - SADRŽAJ: U saradnji sa Ministarstvom za rad, socijalnu politiku, raseljena lica i izbjeglice i Centrom za socijalni rad pokrenute su aktivnosti u cilju izbora odgovarajućih ustanova, te zaključeni sporazumi sa tri narodne kuhinje na području Kantona Sarajevo, nakon čega je Općinski sud u Sarajevu obaviješten o listi ustanova i organizacija na lokalnom nivou, u kojima će se ova mjera izvršavati.
7. Postupanje po odlukama Ustavnog suda Bosne i Hercegovine
- NOSILAC POSLA: Sektor za pravosuđe i izvršenje sankcija i mjera.
 - SADRŽAJ: U izvještajnom periodu zaprimljen je i obrađen 101 predmet dostavljen radi isplate naknade nematerijalne štete zbog kršenja prava podnosioca apelacija na suđenje u razumnom roku, zbog trajanja postupka pred Općinskim i Kantonalnim sudom u Sarajevu, od strane Ustavnog suda BiH. Takođe, postupano je i u 4 predmeta dostavljena od strane Evropskog suda za ljudska prava u postupcima koji se vode pred ovim sudom po istom osnovu, tri su izvršena, a u jednom predmetu Vlada Kantona je prihvatila

prijedlog Evropskog suda za zaključenje prijateljske nagodbe (ovaj predmet nije završen-čeka se odgovor).

8. Davanje mišljenja na pravilnike o unutrašnjoj organizaciji koje donose rukovodioci: kantonalnih organa uprave, kantonalnih upravnih ustanova i službi Kantona Sarajevo
- PRAVNI OSNOV: Zakon o organizaciji i djelokrugu organa uprave i upravnih organizacija Kantona Sarajevo (“Službene novine Kantona Sarajevo”, br. 2/12 – Prečišćeni tekst, 41/12, 8/15 i 13/17), Zakon o organizaciji organa uprave u Federaciji Bosne i Hercegovine („Službene novine Federacije BiH, broj 35/05), Zakon o državnoj službi u Kantonu Sarajevo („Službene novine Kantona Sarajevo broj 31/16), Zakon o namještenicima u organima državne službe u Federaciji BiH („Službene novine Federacije BiH“, broj 49/05), Uredba o poslovima osnovne djelatnosti iz nadležnosti organa državne službe koje obavljaju državni službenici, uvjetima za vršenje tih poslova i ostvarivanju određenih prava iz radnog odnosa (“Službene novine Federacije BiH“ br. 35/04, 3/06, 19/12 i 8/14), Uredba o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koji obavljaju namještenici („Službene novine Federacije BiH“ br. 69/05 i 29/06), Uredba o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslove za vršenje tih poslova i ostvarivanju određenih prava iz radnog odnosa („Službene novine Kantona Sarajevo broj 39/16, 10/17); Uredba o postupku i načinu pripremanja, izrade i dostavljanja propisa (“Službene novine Kantona Sarajevo”, broj 50/17 – Drugi novi prečišćeni tekst) i član 41. Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija (“Službene novine Kantona Sarajevo”, br. 36/06, 8/12 i 39/16);
 - NOSILAC IZRADE: Sektor za upravu;
 - SADRŽAJ: Mišljenje o usklađenosti pravilnika sa zakonima i drugim propisima i sa stanovišta racionalnosti i efikasnosti unutrašnje organizacije. Ukupno je zaprimljeno 48 zahtjeva za davanje mišljenja i dato je 20 mišljenja na pravilnike, a 28 mišljenja na primjenu zakona i drugih propisa iz nadležnosti ministarstva.
9. Upis u Registar udruženja
- PRAVNI OSNOV: Član 29. stav 1., član 31. stav 2. i član 33. stav 2. Zakona o udruženjima i fondacijama (“Službene novine Federacije BiH”, broj: 45/02);
 - NOSILAC IZRADE: Sektor za upravu;
 - SADRŽAJ: U izvještajnom periodu zaprimljeno je ukupno 306 zahtjeva za upis u Registar udruženja, zahtjeva za upis promjena u registar udruženja i zahtjeva za prestanak rada udruženja, te je iz 2017. godine preneseno 9 zahtjeva što ukupno zahtjeva iznosi 315 zahtjeva.
Po zahtjevima je postupljeno kako slijedi: a) doneseno je 68 rješenja za upis u Registar udruženja, b) doneseno je 147 rješenja za upis promjena u Registar udruženja, c) doneseno je 28 rješenja o prestanku rada udruženja, d) doneseno je 39 rješenja kojima je odbačen zahtjev za upis u Registar udruženja i zaključaka o obustavi postupka i e) 31 zahtjev je u radu, f) donesen je jedan zaključak o prekidu postupka, a jedan zahtjev proslijeđen Federalnom ministarstvu pravde na nadležno postupanje.
Podneseno je 659 zahtjeva za izdavanje izvadka iz Registra udruženja, a izdato je 659 izvadaka.
Također je zaprimljeno 220 zahtjeva za dostavljanje informacija iz Registra udruženja i drugih zahtjeva. Postupljeno je u 219 zahtjeva, a jedan predmet je u radu.

10. Odobranje izrade i uništavanja pečata
- PRAVNI OSNOV: Zakon o pečatu Kantona Sarajevo (“Službene novine Kantona Sarajevo”, br. 3/09-Prečišćeni tekst i 36/15) i Zakon o upotrebi grba i zastave Kantona Sarajevo (“Službene novine Kantona Sarajevo” br. 3/09-Prečišćeni tekst i 36/15);
 - NOSILAC IZRADE: Sektor za upravu;
 - SADRŽAJ: U izvještajnom periodu podneseno je 7 zahtjeva za odobranje izrade pečata. Postupajući po zahtjevima, Ministarstvo je donijelo 6 rješenja o odobravanju izrade pečata i jedan zaključak o obustavi postupka.
11. Stručni ispiti namještenika srednje školske spreme
- PRAVNI OSNOV: Pravilnik o sadržaju i načinu polaganja stručnog ispita namještenika u organima državne službe u Federaciji Bosne i Hercegovine („Službene novine Federacije BiH“, broj 75/05);
 - NOSILAC IZRADE: Sektor za upravu;
 - SADRŽAJ: Vođenje upravnog postupka za odobranje polaganja stručnog ispita, organizovanje rada Komisije za polaganje stručnog ispita namještenika srednje školske spreme i izdavanje uvjerenja o položenom stručnom ispitu. U izvještajnom periodu podneseno je 64 zahtjeva za polaganje stručnog ispita. Ispit je položilo 58 kandidata, te su istim izdata uvjerenja o položenom stručnom ispitu. Tri zahtjeva za polaganje su prenesena u 2019. godinu. Jedan zahtjev proslijeđen je Federalnom ministarstvu pravde na nadležno postupanje.
12. Poslovi koji se odnose na osnivanje i imenovanje organa televizije čiji je osnivač Kanton Sarajevo
- PRAVNI OSNOV: Zakon o organizaciji i djelokrugu organa uprave i upravnih organizacija Kantona Sarajevo;
 - NOSILAC IZRADE: Izvanorganizaciona jedinica;
 - SADRŽAJ: Ministarstvo pravde i uprave je u izvještajnom periodu pokrenulo i provelo proceduru izbora i imenovanja predsjednika i članova Skupštine preduzeća JP Televizija Kantona Sarajevo, imajući u vidu da je mandat prethodnog predsjednika i članova Skupštine preduzeća istekao dana 31.05.2018. godine.
13. Poslovi Upravnog inspektorata nad primjenom Zakona o organizaciji organa uprave u Federaciji BiH, u dijelu koji se odnosi na kantonalne organe uprave i upravne organizacije, gradske i općinske službe za upravu, kada rješavaju po kantonalnim zakonima i drugim kantonalnim propisima, kao i propisima gradskog i općinskih vijeća. Kantonalna upravna inspekcija vrši nadzor nad primjenom federalnih zakona i drugih propisa koji se odnose na radno-pravni status službenika i namještenika u gradskim i općinskim organima uprave, kao i nadzor nad provođenjem Zakona o upravnom postupku, propisa o posebnim upravnim postupcima i kancelarijskom poslovanju u kantonalnim organima uprave, gradskim i općinskim službama za upravu i pravnim licima kojima su povjerena javna ovlaštenja, kada rješavaju po kantonalnim zakonima i drugim kantonalnim propisima, kao i propisima gradskog i općinskog vijeća.
- PRAVNI OSNOV: Zakon o organizaciji organa uprave u Federaciji Bosne i Hercegovine Zakon o državnoj službi u Federaciji Bosne i Hercegovine; Zakon o namještenicima u organima državne službe u Federaciji Bosne i Hercegovine; Zakon o radu („Službene novine Federacije BiH“, broj 26/16 i 89/18), Opći kolektivni ugovor za teritoriju Federacije Bosne i Hercegovine („Službene novine Federacije BiH“, broj 19/00), Kolektivni ugovor za službenike organa uprave i sudske vlasti u Federaciji Bosne i Hercegovine („Službene novine Federacije BiH“, br. 23/17 – Prečišćeni tekst), Uredba o poslovima osnovne djelatnosti iz nadležnosti organa državne službe koje obavljaju državni službenici, uvjetima

za vršenje tih poslova i ostvarivanju određenih prava iz radnog odnosa, Uredba o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koji obavljaju namještenici.

- NOSILAC IZRADE: Sektor za upravu – Upravni inspektorat;
- SADRŽAJ: Obavljajući poslove inspeksijskog nadzora po predstavkama građana i pravnih lica, Upravni inspektorat je radio na 265 predmeta od čega je 17 nerješanih predmeta iz 2014., 2016. i 2017. godine. U izvještajnom periodu završeno je 255 predmeta, a u 2019. godinu preneseno 10 predmeta koji nisu okončani iz razloga što se u istima prati izvršenje naloženih upravnih mjera. Postupci inspeksijskog nadzora u pravilu, pored osnovnog inspeksijskog nadzora i nalaganja potrebnih mjera nadležnim službama, zbog ponavljanja postupka od strane prvostepenih organa, a u skladu sa uputama drugostepenih organa, zahtjeva ponavljanje inspeksijskog pregleda u različitim službama i vršenje ponovnog kontrolnog nadzora u nadležnim organima, a podnosioci predstavljeni su informisani o poduzetim mjerama, pa i nekoliko puta pisanim putem. U cilju izvršenja programskih zadataka Upravnog inspektorata za 2018. godinu, izvršena je kontrola usklađenosti unutrašnje organizacije općinskih organa uprave (pravilnik o unutrašnjoj organizaciji) sa zakonima i podzakonskim propisima koji regulišu ovu upravnu oblast, te kontrola ispunjenosti opštih i posebnih uslova svakog pojedinačnog radnog mjesta i načina zasnivanja radnog odnosa.

Upravni inspektorat vršio je nadzor nad provođenjem propisa kojima je regulisana unutrašnja organizacija organa uprave na teritoriji Kantona Sarajevo, a u skladu sa odredbama Zakona o državnoj službi u Kantonu Sarajevo i provedbenim aktima kojima su donoseni na osnovu ovog zakona. Predmet inspeksijskog nadzora su ukupno bile: sve općine na području Kantona Sarajevo; Grad Sarajevo; 8 ministarstava Kantona Sarajevo; 9 stručnih službi Kantona Sarajevo; 2 kantonalne uprave i 3 kantonalne upravne organizacije Kantona Sarajevo.

14. Javni poziv za udruženja pripadnika nacionalnih manjina koji imaju registrovano sjedište na teritoriji Kantona Sarajevo da delegiraju svoje predstavnike u Vijeće nacionalnih manjina u Kantonu Sarajevo

- PRAVNI OSNOV: Zakon o zaštiti prava pripadnika nacionalnih manjina u Kantonu Sarajevo („Službene novine Kantona Sarajevo“, br. 27/11 i 40/17)
- NOSILAC IZRADE: Izvanorganizaciona jedinica
- SADRŽAJ: Javni poziv za udruženja pripadnika nacionalnih manjina koji imaju registrovano sjedište na teritoriji Kantona Sarajevo da delegiraju svoje predstavnike u Vijeće nacionalnih manjina u Kantonu Sarajevo objavljen je na WEB stranici Skupštine Kantona Sarajevo 18.12.2015. godine i na snazi je sve do isteka mandata članova Vijeća nacionalnih manjina u Kantonu Sarajevo.

U izvještajnom periodu Vijeće nacionalnih manjina Kantona Sarajevo je dopunjeno sa jednim predstavnikom nacionalnih manjina, a takođe je izvršena i zamjena jednog predstavnika u Vijeću nacionalnih manjina Kantona Sarajevo.

15. Planiranje, izrada budžeta Ministarstva pravde i uprave Kantona Sarajevo, nadzor nad realizacijom i izvršenjem budžeta Ministarstva

- PRAVNI OSNOV: Zakon o trezoru u Federaciji Bosne i Hercegovine („Službene novine Federacije Bosne i Hercegovine“, br. 26/16), Zakon o budžetima u Federaciji Bosne i Hercegovine („Službene novine Federacije Bosne i Hercegovine“, br. 102/13, 9/14, 13/14, 08/15, 91/15, 102/15 i 104/16), Zakon o izvršavanju Budžeta Kantona Sarajevo za 2016. godinu („Službene novine Kantona Sarajevo“, broj: 53/16 i 44/17), Zakon o računovodstvu i reviziji u Federaciji BiH („Službene novine Federacije BiH, broj 83/09), Uredba o računovodstvu budžeta u Federaciji Bosne i Hercegovine, („Službene novine

Federacije BiH“, broj 34/14), Upustvo o finansijskom planiranju, izvršavanju Budžeta Kantona Sarajevo i evidentiranju rashoda i izdataka prema izvorima sredstava u fiskalnoj godini („Službene novine Kantona Sarajevo“, broj: 17/07, 31/11 i 02/12), Pravilnik o obliku, sadržaju i načinu popunjavanja i predaje izjave o fiskalnoj odgovornosti („Službene novine Federacije BiH“ broj: 34/14), Zakon o sistemu državne pomoći BiH („Službeni glasnik BiH“, broj: 10/12), Uredba o načinu vođenja i metodologiji popisa programa državne pomoći u Federaciji BiH („Službene novine Federacije BiH“, broj 48/12), Uredba o metodologiji izrade godišnjeg izvještaja o dodijeljenoj državnoj u Federaciji BiH („Službene novine Federacije Bosne i Hercegovine“, broj: 41/15) i drugi propisi.

- NOSILAC IZRADE: Odjeljenje za ekonomske poslove
- SADRŽAJ: Kontinuirano prikupljanje i analiza potreba Ministarstva za sredstvima iz Budžeta Kantona Sarajevo za 2018. godinu (nacrt, prijedlog, izmjene i dopune), očitovanje na Nacrt i Konačan Izvještaj o reviziji finansijskih izvještaja Budžeta Kantona Sarajevo za 2017. godinu i drugi tekući poslovi.

16. Izvršenje obaveza iz Ugovora o načinu plaćanja troškova izrečenih mjera pritvora i zatvora u kaznenom i prekršajnom postupku zaključenog između Federalnog ministarstva pravde i Ministarstva pravde i uprave Kantona Sarajevo.

- PRAVNI OSNOV: član 236. Zakona o izvršenju krivičnih sankcija u Federaciji BiH („Službene novine Federacije BiH“, br. 44/98, 42/99, 12/09 i 42/11) i Zakon o izvršavanju Budžeta Kantona Sarajevo za 2017. godinu
- NOSILAC IZRADE: Odjeljenje za ekonomske poslove;
- SADRŽAJ: Realizacija obaveza iz Ugovora o načinu plaćanja troškova izrečenih mjera pritvora i zatvora u kaznenom i prekršajnom postupku zaključenog između Federalnog ministarstva pravde i Ministarstva pravde i uprave Kantona Sarajevo, vrši se kontinuirano u skladu sa mjesečnim planovima utroška budžetskih sredstava Ministarstva pravde i uprave, te praćenje raspoloživih sredstava na ekonomskom kodu Ministarstva pravde i uprave na kojoj su planirana sredstva za ove namjene.

17. Knjigovodstveni poslovi

- PRAVNI OSNOV: Zakon o trezoru u Federaciji Bosne i Hercegovine, Zakon o budžetima u Federaciji Bosne i Hercegovine, Zakon o izvršavanju Budžeta Kantona Sarajevo za 2017. godinu, Zakon o računovodstvu i reviziji u Federaciji BiH, Uredba o računovodstvu budžeta u Federaciji Bosne i Hercegovine, Pravilnik o knjigovodstvu budžeta u Federaciji Bosne i Hercegovine („Službene novine Federacije BiH“, broj: 1/11), Pravilnik o finansijskom izvještavanju i godišnjem obračunu budžeta u Federaciji BiH („Službene novine Federacije BiH“, broj: 69/14, 14/15 i 4/16), Zakon o doprinosima („Službene novine Federacije BiH“, br. 35/98, 54/00, 16/01, 37/01, 1/02 i 17/06), Zakon o porezu na dohodak („Službene novine Federacije BiH“, br 10/08, 9/10, 44/11, 7/13 i 65/13), Računovodstvene politike za budžetske korisnike i Trezor Kantona Sarajevo, Uredba o naknadama troškova za službena putovanja („Službene novine Kantona Sarajevo“, broj 14/12) i drugi propisi
- NOSILAC IZRADE: Odjeljenje za ekonomske poslove;
- SADRŽAJ: Izrada Godišnjeg obračuna za 2017. godinu, izrada periodičnih finansijskih izvještaja i godišnjeg finansijskog izvještaja (4), kontrola ulaznih faktura, izrada naloga za isplatu putem obrazaca O2, naloga za knjiženje putem obrazaca O3, izrada odluka Ministarstva vezano za pojedine naloge za plaćanje, i drugi tekući poslovi

18. Mišljenja na propise drugih organa uprave u smislu usklađenosti propisa sa Evropskom konvencijom o zaštiti ljudskih prava i osnovnih sloboda i drugih dokumenata kojima se štite ljudska prava i slobode.
- PRAVNI OSNOV: Zakon o organizaciji i djelokrugu organa uprave i upravnih organizacija Kantona Sarajevo, Uredba o postupku i načinu pripremanja, izrade i dostavljanja propisa („Službene novine Kantona Sarajevo“, broj 21/11-Novi prečišćeni tekst, 30/11 i 23/15);
 - NOSILAC IZRADE: Sektor za propise;
 - SADRŽAJ: U izvještajnom periodu data su mišljenja u smislu usklađenosti propisa sa Evropskom konvencijom o zaštiti ljudskih prava i osnovnih sloboda i drugih dokumenata kojima se štite ljudska prava i slobode na nacрте zakona, prijedloge zakona, na odluke, uredbe, pravilnike, urbanističke planove u ukupnom broju od 87, mišljenja o primjeni propisa 10, i 24 razna odgovora na zahtjeve.
19. Postupanje po zahtjevima za pristup informacijama
- PRAVNI OSNOV: Zakon o slobodi pristupa informacijama u Federaciji Bosne i Hercegovine („Službene novine Federacije BiH“, br. 32/01 i 48/11) Uredba o postupku i načinu pripremanja, izrade i dostavljanja propisa („Službene novine Kantona Sarajevo“, broj 21/11-Novi prečišćeni tekst i 30/11);
 - NOSILAC IZRADE: Pomoćnik ministra u Sektoru za upravu na osnovu Rješenja broj 03-03-05-21190/12 od 29.06.2012;
 - SADRŽAJ: U toku 2018. godine zaprimljeno je 27 zahtjeva za pristup informacijama. Doneseno je 24 rješenja o pristupu informacijama, 2 obavještenja o nenadležnosti i jedan predmet je u radu.
20. ODGOVORI NA ZASTUPNIČKA PITANJA, INICIJATIVE I ZAKLJUČKE SKUPŠTINE

Ministarstvo pravde i uprave je u periodu 2015 - 2018. godina na sve zastupničke inicijative i zastupnička pitanja dalo blegovremeno odgovore.

VIII

PREGLED UNUTRAŠNJE ORGANIZACIJE, KADROVSKE I MATERIJALNE OSPOSOBLJENOSTI, KAO I POTREBE ZA KADROVSKIM I MATERIJALNIM OSPOSOBLJAVANJEM ORGANA I STRUČNIM USAVRŠAVANJEM DRŽAVNIH SLUŽBENIKA I NAMJEŠTENIKA

Ministar pravde i uprave donio je Pravilnik o unutrašnjoj organizaciji 31.10.2016. godine, na koji je Vlada Kantona Sarajevo Odlukom broj: 02-05-33724-13/16 od 01.12.2016. godine dala saglasnost. Pravilnikom je sistematizovano ukupno 27 izvršilaca od čega jedan rukovodilac, sekretar ministarstva, četiri državna službenika koji rukovode osnovnim organizacionim jedinicama, dva državna službenika koji rukovode unutrašnjim organizacionim jedinicama, petnaest državnih službenika i četiri namještenika. U izvještajnom periodu sve poslove iz djelokruga rada Ministarstva obavljali su devet državnih službenika i četiri namještenika, što predstavlja 51% popunjenosti radnih mjesta sistematizovanih pravilnikom. U 2017. godini, uz saglasnost Vlade Kantona Sarajevo, pokrenuta je propisana zakonska procedura prijema državnih službenika i to: 1. Upravni inspektor – 1 izvršilac; 2. Stručni savjetnik za finansijsko računovodstvene poslove – 1 izvršilac i 3. Viši stručni saradnik za normativno-pravne poslove – 1 izvršilac. Ova procedura je okončana i tri državna službenika su zasnovali radni odnos u Ministarstvu.

01.07.2018. godine šef Odjeljenja za ekonomske poslove u Sektoru za pravne i ekonomske poslove, zatražila je prestanak radnog odnosa u Ministarstvu, radi odlaska u drugi organ uprave, a stručni

savjetnik u istom odjeljenju koristi pravo na porodiljsko odsustvo, te u Ministarstvu od navedenog perioda nema službenika koji obavlja ekonomske poslove.

Ministarstvo je za potrebe svih kantonalnih organa uprave, upravnih organizacija, gradskih i općinskih organa u Kantonu Sarajevo izdalo Registar Kantonalnih, gradskih i općinskih propisa za period od 1996. – 2017. godine koji je štampan u 350 primjeraka i besplatno podijeljen navedenim organima, zatim pravosudnim organima Kantona Sarajevo, kao i OHR-u, OSCE-u, VSTV-u BiH, Ministarstvu pravde Bosne i Hercegovine, Ustavnom sudu Bosne i Hercegovine, Ministarstvu pravde Federacije Bosne i Hercegovine, Zajednici gradova i općina Federacije Bosne i Hercegovine, a po zahtjevu i nevladinim organizacijama i drugim zainteresovanim javnim ustanovama i javnim preduzećima.

Edukacija i stručno obrazovanje uposlenih vršila se putem stručnih savjetovanja, seminara, nabavke stručne literature, razmjene iskustava s drugim kantonima, a u skladu sa finansijskim planom. U 2018. godini svi državni službenici i namještenici u Ministarstvu prisustvovali su na edukaciji vezano za uvođenje „E-pisarnice“. Šef odjeljenja za ekonomske poslove, učestvovala je u dva programa edukacije iz oblasti finansijskog izvještavanja, revizije i izrade godišnjeg obračuna koji se održao u organizaciji “Revicon” d.o.o. Sarajevo i “FEB” d.d. Sarajevo. Sekretar Ministarstva prisustvovala je seminaru na temu “Efikasno upravljanje sukobom interesa u institucijama Kantona Sarajevo” i dva državna službenika prisustvovala su edukaciji “Interni audit za 2018. godinu”.

IX

NAČIN OSTVARIVANJA SARADNJE SA DRŽAVNIM ORGANIMA, FEDERALNIM ORGANIMA, DRUGIM KANTONIMA I NJIHOVIM ORGANIMA, DRUGIM KANTONALNIM ORGANIMA, OPĆINAMA I GRADOM SARAJEVO, OMBUDSMENIMA I DR.

Ministarstvo pravde i uprave Kantona Sarajevo u postupku izrade Zakona o lokalnoj samoupravi, uključilo je predstavnike Gradskog vijeća Grada Sarajeva, Općinskog vijeća Općine Stari Grad, načelnike općina Novo Sarajevo, Hadžići, Trnovo, Ilijaš i klub vijećnika Naša stranka Novo Sarajevo, čije su primjedbe i sugestije na tekst nacrtu Zakona djelomično usvojene i ugrađene u novi tekst zakona.

Saradnja sa Ministarstvom pravde Bosne i Hercegovine nastavljena je i u ovom izvještajnom periodu, a odnosila se na aktivno učešće u radu Funkcionalne radne grupe "Pravosuđe", koja je zadužena za praćenje implementacije Akcionog plana za provođenje SRSP u BiH, kao i učešće u procesu pripreme Sektorskih planskih dokumenata 2018-2020 IPA II za sektor Pravda i osnovna prava, u saradnji sa DEI.

Uspostavljena saradnja sa Visokim sudskim i tužilačkim vijećem BiH, nastavljena je i odvijala se u više segmenata u okviru reforme pravosuđa u BiH, u pitanjima finansiranja rada sudova i tužilaštva u Kantonu Sarajevo, jačanju ljudskih i prostornih kapaciteta institucija pravosuđa, zakonskoj regulativi, provođenju Akcionog plana Vlade Kantona za rješavanje komunalnih predmeta te drugim značajnim pitanjima koja će biti predmet daljih aktivnosti na osnovu državnog strateškog dokumenta u ovoj oblasti.

Saradnja sa Federalnim ministarstvom pravde sastojala se u razmjeni stavova i informacija vezanih za aktualna pitanja i probleme primjene zakonskih propisa, rada notarijata, unapređenja sistema izvršavanja sankcija (rad za opće dobro na slobodi, zatvorskih kapaciteta), rješenje problema kapaciteta pritvorske jedinice KPZ Sarajevo, te iniciranja konkretnih izmjena zakona iz federalne nadležnosti: Zakona o notarima, Zakona o krivičnom postupku, Zakona o prekršajima i Zakona o izvršnom postupku, te usklađivanje zakona koje iziskuje primjena Zakona o zaštiti i postupanju sa djecom i maloljetnicima u krivičnom postupku.

Tokom 2018. godine nastavljena je interesorna saradnja na nivou organa i javnih ustanova u Kantonu Sarajevo, u cilju provođenja Akcionog plana za prevenciju maloljetničkog prestupništva i rad sa maloljetnicima u sukobu sa zakonom 2017-2019, na osnovu Rješenja Vlade Kantona Sarajevo, te realizirane sve mjere i aktivnosti iz nadležnosti Ministarstva, predviđene za ovu godinu. U segmentu razvoja materijalnih i kadrovskih kapaciteta pravosudnih institucija Kantona Sarajevo u okviru reforme pravosuđa, nastavljena je saradnja i koordinacija po svim pitanjima vezanim za rad i funkcionisanje Općinskog suda u Sarajevu, Kantonalnog suda u Sarajevu i Kantonalnog tužilaštva Kantona Sarajevo.

U oblasti primjene Zakona o notarima, saradnja sa Notarskom komorom Federacije BiH se u cilju unapređenja stanja u notarijatu, odvija kontinuirano, kroz učešće na sastancima i konferencijama, kao i razmjenu aktualnih informacija u ovoj oblasti.

Saradnja sa NVO sektorom, odvijala se u okviru projekata koji vodi Fondacija lokalne demokratije u oblasti nasilja u porodici, OSCE-a u oblasti trgovine ljudima, i CPRC-a u oblasti prevencije maloljetničkog prijestupništva.

Ministarstvo je imalo intenzivnu saradnju sa upravom, odnosno menadžmentom JP "Televizija Kantona Sarajevo" d.o.o, u cilju sagledavanja rezultata poslovanja, finansijske situacije, programskih planova i aktuelne problematike preduzeća, a radi stvaranja uslova za stabilno radno okruženje, jačanje kadrovskih kapaciteta, modernizaciju preduzeća i podizanje nivoa kvalitete programskog sadržaja.

U izvještajnom periodu Ministarstvo je održalo nekoliko sastanaka sa predstavnicima Vijeća nacionalnih manjina Kantona Sarajevo, na temu donošenja Zakona o izmjenama Zakona o zaštiti prava pripadnika nacionalnih manjina u Kantonu Sarajevo, kao i podršci u održavanju manifestacije Dani nacionalnih manjina Kantona Sarajevo.

Na prijedlog Ministarstva pravde i uprave, Vlada Kantona usvojila je Zaključkom od 23.03.2017. godine, Akcioni plan za provedbu mjera i aktivnosti na unaprijeđenju naplate komunalnih usluga u Kantonu Sarajevo i za realizaciju planiranih mjera i aktivnosti, zadužila javna komunalna preduzeća Kantona Sarajevo, Vladu Kantona Sarajevo putem resornih ministarstava i Općinski sud u Sarajevu.

U organizaciji Ministarstva pravde i uprave održana su tri sastanka u cilju sumiranja efekata i ocjene uspješnosti do sada provedenih mjera i aktivnosti u periodu od dana donošenja Akcionog plana, te je zaključeno da njegova provedba već rezultira efektima u pogledu povećane naplate potraživanja kao i smanjenja broja komunalnih predmeta kod Općinskog suda u Sarajevu.

Sve aktivnosti predviđene Akcionim planom, Ministarstvo je okončalo u 2018. godini.

Broj: 03-08-05-37003/18
Sarajevo, 30.01.2019. godine

MINISTRIČA

Lejla Brčić